

Na osnovu člana 21. tačka 26), a u vezi sa članom 116. stav (3) Statuta Grada Zenica („Službene novine Grada Zenica“, broj 5/15) i člana 44. Poslovnika Gradskog vijeća („Službene novine Grada Zenica“, broj: 4/17, 4/20 i 10/21), razmatrajući Projektni zadatak za izradu Studije rekonstrukcije i modernizacije sistema daljinskog grijanja Grada Zenica, Gradsko vijeće Zenica na \_\_\_\_\_ sjednici održanoj \_\_\_\_\_ godine donijelo je

## **Z A K L J U Č A K**

### **o poduzimanju mjera zaštite sistema daljinskog grijanja grada i obezbjeđenja komunalne usluge proizvodnje i isporuke toplinske energije korisnicima**

#### **I**

Gradsko vijeće Zenica konstatuje da sistem daljinskog grijanja predstavlja javnu komunalnu infrastrukturu od strateškog interesa za Grad Zenicu, čije funkcionisanje predstavlja nezamjenljiv uslov za život i rad građana Zenice i drugih subjekata i utiče na:

- zaštitu života i zdravlja građana,
- rad javnih organa, institucija i ustanova, privrednih subjekata i drugih pravnih lica,
- zaštitu okoliša, te
- ukupnu komunalnu stabilnost grada Zenica.

#### **II**

Gradsko vijeće izražava opredjeljenje da se u svim postupcima restrukturiranja, predstečaja ili drugim postupcima koji se vode nad „Toplana“ d.o.o. Zenica mora osigurati:

- kontinuitet isporuke toplinske energije, kao javne komunalne usluge,
- očuvanje funkcionalne infrastrukturne cjeline sistema daljinskog grijanja,
- zaštita javnog interesa Grada Zenica i njegovih građana.

#### **III**

Gradsko vijeće smatra da infrastruktura koja služi za proizvodnju (Toplana) i distribuciju toplinske energije ima poseban javnopravni karakter i da se njeno restrukturiranje mora provoditi uz puno uvažavanje:

- javnog interesa,
- kontinuiteta javne komunalne usluge,
- proporcionalnosti mjera,
- zaštite građana od posljedica eventualnog prekida javne komunalne usluge.

Postrojenja za proizvodnju toplinske energije i distributivna mreža sistema daljinskog grijanja predstavljaju funkcionalno povezanu komunalno-energetsku cjelinu čiji prekid rada može prouzrokovati ozbiljne posljedice za građane, organe i institucije, javne ustanove, privredu i komunalni sistem Grada Zenice.

#### **IV**

Ovlašćuje se Gradonačelnik da:

- aktivno učestvuje u svim postupcima i pregovorima koji se odnose na restrukturiranje ili reorganizaciju „Toplana“ d.o.o. Zenica poduzima sve pravne i institucionalne mjere zaštite s ciljem obezbjeđenja funkcionisanja sistema daljinskog grijanja,
- ostvari saradnju sa višim nivoima vlasti i regulatornim organima, te organima predstečajnog postupka.

**V**

Zadužuju se Uprava i Nadzorni odbor da pripreme potrebne akte i program organizovanja sezone grijanja uvažavajući nove uslove.

**VI**

Ovaj zaključak stupa na snagu danom donošenja.

Broj: 01-\_\_\_\_\_/26  
Zenica, \_\_\_\_\_ godine

**PREDSJEDAVAJUĆA  
GRADSKOG VIJEĆA**

Snježana Vrhovac